


DI DRAI HAILEGE KHÖNIG

Ogni anno, appena scende la sera nei tre giorni che precedono l'epifania, gruppi di bambini girano di casa in casa per ricordare, attraverso una canzone - che noi tutti non possiamo fare a meno di cantare assieme a loro - la nascita di Gesù ed il viaggio che li portò dal lontano Oriente a Betlemme guidati da una stella. Sebbene secondo alcune analisi la tradizione altro non sia che il tentativo, messo in atto dal Concilio di Trento, di arginare credenze e feste pagane fortemente diffuse in questo periodo invernale, è ormai una piacevole e consolida consuetudine aspettare i "cantori della stella" nelle giornate del 3, 4 e 5 gennaio per rivivere con loro la tradizione dell'annuncio del Natale.

Balda geat oine di sunn, atz drai, viare un vünve von hochnach, paiparen hërtä. Atz Lusérn boazparz ke, an abas odar in åndar, bartnsa rivan in haus zo vaira pitt üs, singante, ke 'z izta gibortet Gottarhéar. Ja, bar soin nà zo reda von *Tre Re*, di Drai Hailege Khönig; ma



saibar sichar ke sa soin gest lai drai un boazpar umbrómm sa hám augivánk, vor tausankha djar, zo macha an söttan län-

gen bege? Lesante bazta iz khent gischribet vor schiar zboatausankha djar, darvérbar ke di *Magi* soin

gest laüt boda hám gebizzt an hauf sachandar, sa hám gikhent di stèrn un in hümbbl, hám gikhánt zeln un roatn gerécht un soin gest guat zo vorstiana bazta hám giböllt khön di intrüam o.

Dise laüt hám gebizzt ke, an tage, berata gibortet a *Khönig*, nèt ummandar boda hatt earde un gèlt un schafft in laüt azpe 'z soindarar gest in di sèlln zaitn, 'z iz gest a *Khönig* boda earde hatt gihatt khummana un in soi lem in laüt hattaren nia geschafft ma lai gezoaget bia sa hettatn gemak tün zo leba gerécht helvante in åndarn laüt o.

Di *Magi* hám gibart ke dar iz gest gibortet umbrómm sa hám gisek soi stèrn, un, gianante nà dar stèrn, soinsa gerift a Bettèmme. Biavl sa soin gest dise Hailege Khönig iz gischribet at khummana sait, ma boazt lai ke 'z is nèt gest ummadar alümma; bar hám hërtä gigloabet ke sa soin gest drai umbrómm sa hám giprenk drai gischenkh in khulumma khin. 'Z golt umbrómm 'z is eppaz boma gëtt lai in an *Khönig*, dar incenso, umbrómm sa hám

darkhennt ke 'z iz a bichtegez mentsch; un di *mirra*, boda iz khent ginützt balda iz gistorbet eparümmaz, zo gidenkhanaz ke, an tage, mochpar alle stèrm.

Seånkazma gloabet ke di tradizióng von *Tre Re*, iz khent augilekk lai vor viarhundartunvüchtzeh djar, pitn Hailige Konzil vo Tria, zoa zo süacha zo macha stèrm åndre tradiziongen bodada soin gest in di sèlln zaitn un boda nèt soin gest gipuntet pitt Gottarhéar,

un seånkazta in di altn puachan izta gischribet gántz biane at dise laüt boda soin khent her vodar mòrgassait, da atz Lusérn di *Tre Re* veln nia zo khemmanaz zo venna. Sa soin augirüstet azpe bar gloam 'z soinda gest ågilekk di *Magi*, hám a givèrbata stèrn boda laüchtet un, azza aulesan gèlt, gemsaz in khindarn bodasan hám mengl.

Liabe *Tre Re*, bar paitnaz 'z djar boda khint o!



Presentato a Trento il 16 e a Lusérn il 30 dicembre, il nuovo libro di Andrea Nicolussi Golo.

DI ROCCIA DI NEVE DI PIOMBO



Ha preso il volo l'ultimo libro dello scrittore cimbro Andrea Nicolussi Golo Mu; un romanzo, sicuramente autobiografico, che racconta, attraverso l'esperienza umana dello scrittore, gli anni in cui una nuova generazione arrampicava montagne senza cime.

Sa hámnan geredet un geschribet sa at mearare sain; bar soin nà zo reda von lest puach von ünsar schraibar, dar Andrea von Mü. 'Z puach iz khent gezoaget vor d'earst bòtta ka Tria in da groaz manifestaziòng "Montagnalibri," in da schümma sala vodor Sosat; an hauf di laüt boda soin zuarkhent, nèt lai laüt boda khennen in Andrea vonan lem un boden hám geseck au-baksan, ma vil boda schraim un vil boda, vor arbat, lesan puachan un khön un schraim daz soi at dise puachan.

'Z puach iz khent ausgedrukht von editór "Priuli & Verlucca," un in toal vodar kolònà "I Licheni," zo reda pinn ünsar Andrea izta gest dar diretór von "Trentino," un "Alto Adige," dar gekhennate Alberto Faustini. Di laüt boda dar Andrea macht lem in soi puach khemmen abe von pérng, vo khulumma ne lentla azpe Lusérn; 'z soinz baké, 'z soinz arbatar, 'z soinz

AN TAGE IN HAUS VON PRÜKK

Grande successo per il "Natale alla Haus von Prückk", manifestazione che ha visto coinvolto non solo le principali realtà associative di Lusérn e dell'altopiano cimbro, ma soprattutto i tanti "figuranti" di Lusérn che hanno dato vita alla rievocazione.

Vil di sachandar boda soin khent gemacht in länt von lusérnar untar di Boinichtn; an hauf sachandar, saiz vor di lusérnar, saiz vor di vil laüt boda soin zuarkhent at d'ünsar hoachebene.

Ummaz vo disan hatt gemacht bidar lem, vor an gántzan tage, daz ünsar "Haus von Prückk," , 'z haus von lusérnar.

Atz achtunbuantzeh von kristmáñat, Kamou, APT, Dokumentationszentrum Lusérn, Kulturinstitut, Toalkamöu, Khönpplerön un vil, vil



änder hám gemacht lem, alln in laüt boda soin zuargerift, "an tage vo vor hundart djar in Haus von Prückk."

'Z hatta ágeheft dar Luis von Kastelé redante von lest puach ausgedrukht von Dokumentationszentrum bodaz genekht allz bauza iz ausgevallt benn 'z izta ausgeprocht daz earst bëltkriage; biiane spetar, di zene mórgas, dar Fiorenzo von Kastelé hatt gemacht khennen, in fremmegen boda soin zuarkhent, an toal vodar

ünsar kultür: hèkse, trutn, örök, Sambinélo, Frau Pértega un Jakl Hoal, vor an tage, soin bider khent zo leba in di häusar un ummar pa beng von länt.

Dar Paolo Dalla Torre hatt geredet vo bia 'z khemmenda geseck di Boinichtn in da gántz bëlt.

'Z gekhléppra von spindela von gekhnöppla, pitn baibar boda hám gekhnöpplt, hatt augehaltet di laüt, daz meararste baibar, boda auz pa tages soin zuarkhent; vil hám gesüacht zo vorstiana bia sa

vrò soinda iarkhent di Kai-serjäger un dar "Mario Mato" boda hám o augehaltet di laüt, asó azpe 'z hámda getánt di sèlln boda soin zuarkhent pinn hunt Bernesi.

An lestr, abe z'spèrra allz, di khulumman khindar vo Lusérn, duchgevärt vodar Katia, hám augesunk alln di kantzla ge-lirnt in "Khulumman Lustege Trit". A lustegar tage vor alle di laüt boda soin zuarkhent, ma a schümmadar tage vor alle di sèllnen, an hauf, boda hám gearbatet.